

名山縣志卷九

知縣事遵義趙

懿纂輯

風俗

史記西南夷傳自滇以北君長以什數邛都最大此皆難結耕田有邑聚又自嵩以東北君長以什數徙笮都最大自笮以東北君長以什數冉駹最大其俗或土著或移徙在蜀之西

華陽國志笮笮夷也汶山曰夷南中曰昆明漢嘉越嶲曰笮蜀曰邛皆夷種也又夷人大種曰昆小種曰叟皆曲頭木耳環鐵裹結無大侯王如汶山漢嘉夷也

名山縣志卷九

風俗

輿地紀勝皇朝郡縣志自國初曹光實父子以忠義奮皇祐間始有登科者

通志山多田少地瘠耕勞男勤本業婦不外飾近山人戶藉採茶為業雅州其民質而少文其俗淳而不薄力農採茶男婦勤苦自甘名山雅州舊志民不知爭言

寒氣厲

風土記名山無三日不雨即不雨亦十日九陰以見太陽為僅事然四時和平無大寒暑按梁益記謂黎風雅雨縣接雅州雨常不絕

婚嫁婿家請媒通女氏女氏許諾擇日往取女生年月日時謂之請庚庚至置之主祐三日而門內吉乃



以男年月日時用星家言合之又吉於是始備聘書  
賧以釵釧之屬視其家爲豐薄媒持往女氏謂之插  
聘女氏亦具書並酬壻物以復謂之回話繼由壻家  
諏婚期往報女氏謂之報期屆期納幣衣食稱其家  
謂之過禮女將嫁先一夕卜吉者筭之啟面梳髻約  
親鄰羣女伴居謂之坐花是日壻家鼓吹綵輿往迓  
女氏以姑姑兄弟送之謂之送親至則扶婦出輿與  
壻敘立南嚮以拜天地北嚮以拜祖宗然後入房交  
拜復出以次遍拜三黨至於舅姑以終謂之收揖送  
者伴女不歸謂之伴娘次日壻率婦往拜外舅姑謂  
之回腳返而後夫婦始同居室

喪葬棺斂後士民皆招僧道置魂旛設靈堂謂之安  
靈訃於親友告奠葬期期至設帷帳几筵鼓吹迎客  
謂之開奠親友具香燭醴饌以往謂之弔香至親富  
者或具羊豕楮器謂之上祭有力喪家翦白布與弔  
者纏頭至親且衣以白衣謂之開孝作木主請貴者  
題之設三獻之奠歌蓼莪講喪禮謂之點主葬後次  
日上墳奠祀后土焚地別謂之復山始死七日一奠  
設饌焚楮有用僧道者以次而至七七謂之燒七三  
年擇吉日請僧道誦經上章盛造明器薦死者焚始  
設靈位道場大小視其家謂之除靈

家神鄭珍田居蠶室錄士民家必設香火位於中堂



大書天地君親師位旁列孔子文昌關帝竈神各紙牌多至十餘位少則通書一紙旁止二小行必承以版有神主卽置其上富者至爲龕鏤飾種種兼世奉釋道像至三五羅列版下位長生土地並朝夕焚香有禱祀必於此士家或別建祠然百不一二

節序正月元旦蚤起男女肅衣冠焚香楮拜天地家神祖先卑幼拜尊長日拜年爆竹開門向吉方行拜日出天方或有齋香楮往寺觀出方者族黨戚朋互爲賀拜至必款留十五日入夜燃燈祀天地家神祖先用米作粉團名元宵祀後閭家食之三月清明祭先祖掃墓或男女皆適墓陳饌祭焚香楮餽餘而歸

五月五日端午家家飲菖蒲雄黃酒插艾葉菖蒲於門箬葉裹糯米爲粽曰角黍並香囊扇砂雄囊餽遺親友七月十五日祀先祖焚包楮謂之中元賻多於十三四預行之八月十五日中秋以瓜餅相餽設酒食賞月九月九日重陽人家多煮酒曰重陽酒佩茱萸登高十月朔日家造酒食祭先祖葬未三年者用紙製衣履衾褥往墓間焚之謂之送寒衣臘月二十四日或二十三日爲小除云過小年燃竈燈以送竈神上天祀用雜果糕餛飩諸品物以糖爲餅謂粘著神齒勿令說人間是非又翦草和豆盛於旁名竈神馬料先日僧道送年疏並竈科爲祀竈之用自祀



竈至三十日戶換楹帖門神皆可祀祖先日過年薦  
問家聚食或邀至戚日喫年飯親友相過別辭日漫  
漫過歲除夕滿注水於甕備五日用不潑殘水多設  
盆盎以盛之掃地藏帚盡鎖倉箱匣籠謂帖神紙後  
不得出財戶皆祠竈日接竈謂神自天歸也拜天地  
家神祖先及尊長日辭年拜畢聚脯日團年揀大炭  
掛門名日黑將軍山農多以木柴樹門外名日有財  
圍爐徹夜不寢謂之守歲據府志

邑舉人陳善言挂門錢詩楮寶紛紛挂戶前欲將  
萬貫作腰纏豈知仍是癡人願羞澀空囊又一年  
販門神學究殘冬撤帳回修金餘羨利心開門神

市價增三倍曾到夾江打貨來喫年飯妻孥團坐  
共盤餐匕箸慇懃各盡歡爭效隣家占響卜留將  
雞骨問平安

徐堅初學記董勛問禮俗正月一日爲雞二日爲狗  
三日爲豬四日爲羊五日爲牛六日爲馬七日爲人  
府志八日爲穀九日爲豆十日爲麥皆宜晴

趙懿南農錄農人諺交春晴一日農夫不用笠雨灑  
上元燈中秋月不明正月雷打雪二月雨不絕三月  
無秧水四月秧上節正月打雷黃土堆二月打雷穀  
堆堆驚蟄鳴雷米似泥春分有雨病人稀春寒多雨  
水凍驚蟄曬清明驚蟄極寒十餘日謂之凍桐花清明要明穀雨要



淋莊家幪幪穀雨下種四月八凍殺鴨立夏不下犁

耙高挂小滿不滿芒種不管栽秧向火穀不用簸忌烈

夏至落雨十八河夏至無雨乾斷河子規叫過六

月節高山頂田不紮缺小暑一聲雷翻轉作黃梅忌雷

三伏無雨秋天晴七月初一晴八月無雨淋時逢白

露候穀草白如銀忌晴立秋順秋綿綿不休打雷順秋

乾斷河溝睜眼秋收又收閉眼秋丟又丟立秋宜晝不宜夜

立秋不雨二十四箇秋老虎立秋一日水冷三絲秋

後雷多大損秋禾人怕老來窮穀怕午時風八月一

日雨豆角不飽米八月初一不打傘倉中乾穀定裝

滿八月初一雁門開雁兒頭上帶霜來進倉有雨出

名山縣志卷九

風俗

五

詹晴進詹無雨出詹零八月十三至二十三處暑收蕎白露看

苗黃鶴口噤莢麥斗金濫白露無乾處白露逢雙乾

穀上倉宜雙日白露不低頭穫取喂老牛白露占風南

風貫秤綿布貴北風貫斗米粟貴一日黃沙三日雨三日

黃沙九日晴重陽不支傘葫豆只箕榦重陽無雨望

十三十三無雨一冬乾九月十三晴釘鞋挂斷繩九

月重陽移火進房冬至莫逢壬來歲膏田枉用心若

要麥臘月見三白乾冬溼年坐了種田兩春夾一冬

無被暖烘烘十二月立春冬暖四季甲子不宜雨四季丙寅

不宜晴春犯甲子雨綿綿夏犯甲子火燒天秋犯甲

子禾生耳冬犯甲子雪滿天春甲子雨農人大喜秋



甲子雨有禾無米冬甲子雨牛馬凍死春丙陽陽無  
水下秧夏丙陽陽乾斷長江秋丙陽陽乾穀上倉冬  
丙陽陽無雪無霜四季甲申雨米價逐日起壬子破  
水打磨久晴逢破雨久雨逢破晴不怕初一初二雨  
只恐初三初四晴不起四六開天不久長晨雨不過  
午雨灑二十五後月無乾土有雨四角亮無雨頂上  
光毛星有雨毛月晴月暈長江水日暈草頭枯東虹  
日頭西虹雨藍虹經天大旱無年雲朝東蓄水空雲  
朝西騎馬披蓑衣雲朝南水滿潭雲朝北好曬麥此  
等俚言南農處處有之名山亦然也

上元鬧燈爲樂南農錄初九日夜日上九自是出燈

至燈夕後止以紙篋糊龍形曰龍燈紙篋爲獅首布  
縷爲皮尾二人植於中跳伏作猙獰狀曰獅燈又以  
二人扮男女儉歌俚語以取笑樂曰花燈又扮男女  
坐唱曰花鼓戲

春分日農民家臥耬犁戶縉箴管男子間遊聚會作  
酒食樗蒲之戲婦人新衣妝飾手攜餽遺往遊父母  
家間里歌嬉簫鼓闐咽以糍餠粘樹謂膠鳥口使不  
啄粟爇諸豆於釜曰爇蝗蟲使螟螣不生

農民三月播種南農錄三月播穀最早者曰清明秧  
將播時先犁治陽田貯水曰打秧地以水浸穀二三  
日濾之盛以簾覆以草時時舉溫水沃漑之六七日



後穀出芽始持播田中更三四日根少定仍放田水  
令乾日曬秧地使穀易長曬一日後徐徐入水露秧  
尖使就陽煖而秧始成

邑諸生陳天璋早耕詩曙色將開氣尚昏呼童負  
耒出柴門霧迷芳徑行無跡露滴花梢葉有痕滿  
地溶溶殘月淡一天颯颯曉風溫隴頭半畝犁初  
畢始見炊煙發遠村

四五月耘田南農錄耨秧踏秧二事各以地之所宜  
耨秧以手蘇其根除治稂莠踏秧以足固其根秧過  
盛則分踐入泥令爛以肥田而秧亦稀而愈茂得穀  
愈多耨踏時餉傭者酒肉豐則眾皆悅樂手蘇足踐

名山縣志卷九

風俗

七

歌唱不絕

五六月以後玉麥成熟家剝戶收往往爲木架高丈  
餘簷懸其上簷牙房角之間纍纍黃綴色光燦爛風  
景絕佳七月以至九月稻穀先後登穫又以積茭編  
架櫛比而梯結之宛如牆屏與他處團墩草樹又別  
歲時不調穀病有五南農錄穀有五病一日坐兜秧  
不長也二日下癆秧折頸也冷水田易下三日蛆節  
螟蛀節也四日裹葉蟲傷穎也五日陰穀穀不實也  
諺云花鬆鬆怕秋然非風雨旱潦不至此  
風線絡絡怕槍克

終年多食火米不火者謂之仙米陳師道后山叢談  
蜀稻先蒸而後炒謂之火米可以久積以地潤故也



蒸用大木空中爲甑盛穀數石炒用石板爲釜凡數  
十石按今製火米法用大釜和水煮穀候其皮欲裂  
浙之以箕復於釜底加水用箕盛穀而蒸皆不用甑  
凡仙米石穀只碾取四斗餘火米則取近六斗米得  
多而食尤耐饑鄉人便之

飲食多嗜味尚辛醢豉番椒諸著每食不離華陽國  
志蜀志在辰爲未故好滋味德在少昊故好辛香李  
實蜀語飲食曰滋味注益州地在十二辰爲未未者  
味也萬物皆成有滋味也故其人好滋味

歲寒人家半爇麩炭槲木炭曰桐炭不易得陸游老  
學庵筆記謝景魚家有陳無已手簡編有十餘帖皆  
與酒務官託買浮炭者謂投之水中而浮今人謂之  
麩炭恐亦以投之水中則浮故也白樂天詩日暮半  
爐麩炭火則其語亦已久矣

服飾多尚樸約蜀都賦都人士女袷服靚妝此風所  
漸於茲迥絕縣中士夫家間或藻飾其體餘則白布  
裹頭幅巾纏膝而已女子皆赤足入泥水共事耕作  
男婦併力耕耨之餘間知養蠟凡種桑飼蠶紡綿織  
布皆少曉習者此實女紅正業而縣中婦女乃惟手  
任犁耙背勝馱負水邨山郭絕不聞縑羅機杼之聲  
華陽國志蜀俗喜佩刀劍此剛勁之風自古已然而  
此風最甚莫如卽蒲縣中亦積習相沿故鬪殺犯律



者不一而足

每歲正月或二月各釀錢建道場祀瘟火蟲蝗之神日平安清醮三月二日迎祀城隍尤極侈盛製巨燭約千二三百觔以獻於神至迎神日從神像出遊旋昇入廟燃之可至次年男女遠近入城聚觀街衢闐咽日玉燭寶會九十月後蓋藏既畢鄉市不問遐邇皆設座演劇昇神遊觀爭先恐後遍周縣境大要冬春數月城隍神像皆不得安居於廟也

趙恆名山三月二日歌名山三月二日晴簫鼓雜  
逐聲相迎珠旛繡織動光彩男呼女拜填城堦不  
知何事爭喧喧玉燭寶會相矜稱經年蓄願心殷

名山縣志卷九

風俗

九

誠祈福獲報邀神靈清歌疊奏神輿升前導後擁  
紛千形綵繡怪狀殊猙獠磨牙弩目提冥刑縲紲  
枯桎相交弄破額斷臂燒肉鎗鐵城刀山慘不經  
白日爲薄雲沈冥蜀民好鬼嗟莫懲媒喪失敬神  
應憎陋邦磽确民饑信何乃習俗相因仍陽春天  
天春物生淑氣煦姬衣帶輕飭簫暖吹風日清黃  
鷓紫燕嬌弄聲青衣野綠觀朝耕紫霞洞遠桃花  
明胡弗踏青且修禊湔裙曲水搖芳情

土地之祠奉至廣且繁李鳳翽覺軒雜錄土地鄉神  
也村巷處處奉之或石室或木房有不塑像者以木  
板長尺許寬二寸題其主曰某土地槩像者其鬚髮



皓然曰土地公粧髻者曰土地婆祀之紙燭殺酒或  
雄雞一俗言土地靈則虎豹不入境又言鄉村之老  
而公直者死爲之按土地不一有花園土地亦爲災  
於小兒祀之花園者也有青苗土地農人所禮有長  
生土地家堂所祀又有攔地土地廟神土地等皆隨  
地得名青苗土地主農事者也山農祀以七八月平  
地農祀以四五月以白紙錢供於田塍謂之田工老  
此蓋八蠟司嗇之神時俗祀之而失其義者也長生  
土地卽五祀中雷之神俗祀之家龕下別置一龕題  
其主曰后官瑞慶夫人以中雷爲夫人其說謬誕不  
經

壇神有世奉者製石高七八寸方徑尺許中爲圓窠  
位堂北之右曰壇等倚壁粘神牌書羅公仙師或書  
鎮一元壇趙侯元帥郭氏領兵三郎旁列稗號數十  
皆荒誕俚陋兩側別置旗鎗以歲暮巫祝之謂之慶  
壇蜀語壇神名主壇羅公黑面手持斧吹角設像於  
室西北隅去地尺許歲暮則割牲延巫舞賽之考炎  
微紀聞曰羅羅本盧鹿而訛爲羅羅有二種居水西  
十二營甯谷馬場塲塲溪者爲黑羅羅曰烏蠻居募役  
者爲白羅羅曰白蠻俗尙鬼故曰羅鬼今市井及田  
舍祀之縉紳家否杜子美詩曰家家養烏鬼卽此也  
養讀去聲注杜詩者以烏鬼爲鷓鴣或云猪皆非按



今奉之少有設像者矣

四官財神士民家歲時皆祀之覺軒雜著四官爺財神也俗稱西溪洞中求財打寶四員官將鄉市間家供此牌祀之錢馬香燭酒一瓶列四杯肉一方謂之刀頭置刀樵上旁盛鹽椒水降神奠獻西溪五溪之一神蓋禍人也

石敢當有立石者有門上釘木虎頭者蜀語石敢當見漢黃門令史游急就篇衛有石碯石買石惡鄭有石癸石制周有石速齊有石之紛如皆有勢位所當無敵今宅有衝射處卽位此石蓋取此義以禦煞星耳凡人有擔當者亦目之曰石敢當庾信小園賦鎮

宅神以藟石倪璠注淮南畢萬術曰埋石四隅家無鬼急就篇曰石敢當顏師古注敢當言所當無敵也今俗居衝道猶埋石書石敢當其遺意也按今人家無埋石者

跳端公有雙解單解之名雙解則仙娘童子皆兩人爲之工壇較大其術扮裝塗面吹角撞鑼曼歌衍舞抑揚拜跪縛茅爲人象衣禱者衣履歌侑酒肉載以茅舟遠送焚於道側曰勸茅送茅謂使替災解難歸而舞袖揮袂招魂復體於是畢壇也蜀語男巫曰端公田居蠶室錄按端公見元典章則其稱古矣今民間或疾或祟卽招巫祈賽驅逐之曰禳儺必以夜至



冬爲盛蓋先時因事許願故賽多在晚歲其術名師娘教所奉之神謂是女媧伏羲

**蜀語**入市交易曰趕場三六九爲期辰集午散猶河北之謂集嶺南之謂墟中原之謂務按今縣境市集各有期日不盡三六九也

新歲小兒蹴毬撻芥嬉勞累日父老觀笑中含豐樂之象**南農錄**撻芥者初以草芥手撻足跌或計多寡決輸贏或以著身爲輸以手接回復擲中爲贏贏則輸者以芥供其足使任磨折不厭須搶接入手乃已今則肖芥形以雞毛線布纏結銅錢上令不易朽而仍存其名此昇平景象之所關故於新歲爲之亦有

妙理

村曲小兒女正月中羣請掃帚神以作戲樂用飯匙縛束帚巔蒙紙畫頭面衣以稚兒衣縵幼女夜靜楮燭叩請之能動止起仆占問靈應此卽古者紫姑之類

方言呼父母伯叔兄弟姊妹輒冠阿字呼大父曰阿爺大母曰阿奶外祖父母曰阿公阿婆呼弟曰兄兄弟之妻曰嬪子呼小兒女曰么么貧者自稱曰鄙子謂看日觀日曛音苗日聳音鎖平聲覓物日尋謂人物單者

日塊物不精彩日糟粕美好者日志氣軟弱日騰音如往歲日年時昨日日異天昨夕日異晚如此之類與



他郡縣微別其餘與蜀俗同者雖異不著

尊長呼卑幼婦女曰媵蜀典楊子方言巴漢之人  
自稱阿媵按前漢書西南夷傳夷人自稱曰媵與子  
雲說合郭璞爾雅注引說文曰女子稱我曰媵媵卽  
媵字也又按古文易兌爲妾爲媵則媵字古有之今  
媵夥之稱殆猶茲義其易自稱者而以爲稱歟蜀人  
稱夥乃曹輩之意也

知縣徐元禧名山竹枝詞十首漏天難望蔚藍明  
十日曾無一日晴剛得曦陽來借照陰雲又已漫  
空生一年活路是農工麥隴蔬畦也不通更怪圈  
牢都嬾設牛羊霜宿野田中深山不少木輪困半

委荒墟半作薪卻把纖纖筋竹子架成茅屋暫棲  
身鬻門初闢得挨身掉卻書囊嬾更陳自道半耕  
還半讀帶經鋤月又何人山鄉最苦是差徭比戶  
挨門不肯饒但得兒郎年十二公門進步便逍遙  
報畝惟憑一紙詞田連阡陌力難支十年砂礫還  
依舊又被豪爭到法司逃荒久已委汙萊十載寒  
灰又起良若道祖遺須復故爽鳩何事不重來詰  
曲山灣是妾家風棚雨壁沒欄遮狂夫莫道來容  
易徧處墻陰茁火麻鴉伴幾曾慣畫蛾不離寸步  
奈他何天教背卻茶籠出打箭鑪頭又木多窮鄉  
誰解樂如何跣足蓬頭腰背馱人苦山鄉儂更苦



比如苦筭不差多

知縣高第勸農詩未獲推衣

食殷勤勸我農無窮終歲計有限一犁供租賦雖  
頻薄饑寒亦易逢及茲膏雨際莫向隴頭慵

趙

怡名山雜詞十六首濛溪水下平羌秋白木江從

天社流直到嘉州始相會妾心雙送過龍游三十

六蒙朝日升雞鳴戍裏金雞鳴羣蠻入貢關門過

野老扶犁說太平歲歲官家采貢茶上清靈

籓瑞雲遮野人生長蒙山麓不識中峯老石花笮

兒昆女雜歌聲雅雨黎風陣陣生杜宇國中人易

老漏天卻是總無晴岢幕山南採黃蘗盧奴山北

種黃連蘗皮可剉連根老山南山北總可憐江水

濯衣青色深正如江上情人心水濁與郎盥跌玉

水清與郎採麩金薺薺花簪三月初鬢邊紅映臉

霞腴蠟枝翦罷穀茅浸鳩語勃緩催婦姑合江鎮

口稻雲黃龍鳳溪深水草香昨夜乖龍妨睡去明

朝攪水開魚倉甘儲如掌芋如頭橙木三年自足

樵火米炊香飯常溢一生無復思都郵紫落祠旁

花滿煙阿媿愛汲井華鮮女龍纔怪人心薄不借

金環襯嫁鈿少府人豪關內侯三神遺廟亦千秋

棠梨夕照東龍路簫鼓人祠樊鐵牛盧犬當當搖

鐵鑲黃鬚三兩鼓黃間蓮花五壘黃雲莫落孟山

頭打獵還弱棟坂東獐獺坡二十四盤如轉磨恰



恰河頭會相見日西不到欲如何花溪幾曲是君家慣見枇杷枳殼芽儂在香花崖畔住當門一樹霧鍾茶百丈驛寒風雪摧冰縫笑口崢嶸開送君西上邛崃坂九曲腸同九折回靈藥曾聞鳳肺珍仙茶又試龍團新五峯雲雨空娟妙不見茗華斲玉人

祥異

**通志**秦昭襄王時白虎爲害自秦蜀巴漢皆患之

**通志**漢呂后七年地震羌道山傾江漢水溢

**府志**晉咸寧二年黃龍見漢嘉靈關

**府志**宋太宗淳化三年名山大風雨登遼山北江水

名山縣志卷九

祥異

十五

逆流入民田壞禾稼按登遼山關攷

**通志**元秦定帝時礪門地震聲如雷天全道山崩飛

石斃人成都及峽中同日地震按此在四年八月

**府志**明神宗萬曆元年九月雅州地震七年雨雹大

如雞子屋瓦皆碎烏鵲盡死三十六年大疫三十八

年荒旱殍死無數

萬曆四十一年地震

據李蕃紀事

國朝順治元年蜀陷於寇華普之變殺僇者十之五饑

死者十之三

李蕃紀事

順治三年四年大饑獻逆爲虐殺僇盈野人民相食

道路荆棘成林

李蕃紀事



〔通志〕康熙二年四月名山縣天目寺前一山陷入地成淵

〔府志〕康熙十九年歲大熟

康熙三十一年大旱李蕃紀事

〔府志〕康熙三十八年十二月十一日午時雷鳴

〔府志〕康熙五十七年五月初七日地大震

〔府志〕康熙六十年五月二十五日雅州與名山縣百站同時火燬數十百家閏六月二十二日大雨水發名山縣青雲橋圯民戶倒塌居人浮數十里又署內佛手忽變為香櫟其大如升

〔府志〕雍正二年三月地震

〔府志〕雍正三年六月西爐地震番夷礮房崩塌壓死夷民無數

嘉慶二十五年邑中大旱以下新紀

道光十八年歲大饑

咸豐六年七月二十五日大雷雨損稼

咸豐七年歲饑

咸豐十年桐芋榦結刀斧之形大兵起

同治五年四月二十日風雷雨雹拔木折瓦有黃雲翼翼隨雹西去土人相傳白羊精過此

光緒十五年大水為災青雲橋圯東城崩塌數丈

光緒十六年七月初六日地震及於成都歲饑



光緒十七年二月二十七日地震四月初七日大雨  
電雷風折木秋大熟

光緒十八年三月初九日雷折聖廟木